



司馬庫斯遊記

朋友招講欲去新竹尖山鄉『司馬庫斯』迤迤，阮就佇今年四月，天清日明的春天時，駛一台轎車托(thuh)到山頂。

來到山跤內灣的所在，開始記時間，嘛開始跔山路、困(khûn)山嶺。山路彎彎幹幹，阮用二速駛到檢查站。閣去的十五公里，毋但路狹，路面嘛是坎坎坷坷(khiát)，路草真稊，只好用一速戛起去。來到部落已經是中晝心，跔山路拄好三點鐘貼貼。這馬車忝(thiám)人枵，趕緊叫飯菜治枵，食飽才有氣力通遊山景。

原來『司馬庫斯』是佇千外公尺懸的山坪，會使講是山頭鹿角(kok)尾矣。莫講人行袂到，連電嘛無法度，是臺灣上尾後才牽電的庄頭，莫怪個自稱是『黑暗部落』。這款所在歹趁食，人就愈來愈少。1991年，個發現附近有幾十櫟的松梧神木，引起轟動，平地人相爭欲去看光景。一時間山路植闊(hùn-khuah)，真濟遊客溢入來，錢水嘛綴咧來。

這個時陣，原住民上珍貴的品德發出神力。個28戶176人組成一個共同經營俗生活的社區，所有的收入歸公，所有的工課公家做，是照人頭發月給，查埔萬一籬，查某萬四籬，這種分配實在真趣味。

個的故事講完，啊遊山景呢？彼下晡是去遊生態公園，佇樹林內躉(nng)來躉去，煞拄著西北雨，趕緊打道回府。第二工的大齣戲就是去探神木，阮跔山路，躉樹林、竹林，兩點鐘了後才拄著頭一櫟的松梧，大約四人尋(siam)、十外丈懸，小停跤共伊敬拜一下。閣來就愈來愈大櫟，兩千外年的歲數，總共十外櫟，真正是寶地福地啊！古早人講「有福居城郭(siamn-kok)」，這馬應該講「有福居山角(suann-kok)」。我咧想，阮庄跤所在若有十外櫟的神木，所有的收入歸我，我嘛會『慢活』、敬惜天地。

作者：邱文錫

☆詞彙學習☆

- | | |
|------------------------------------|---------------------------------|
| 【天清日明】thinn tshing jit bing：風和日麗。 | 古音，此處指山之頂峰。 |
| 【托】thuh：橫衝直撞。 | 【松梧】siông-ngô：檜木 |
| 【困山嶺】khûn suann-niá：在山裡盤繞。 | 【植闊】hùn-khuah：拓寬 |
| 【路草】lōo-tsháu：路況 | 【溢入來】ik--jip-lâi：湧進來。 |
| 【戛起去】khiát--khí-khì：掙扎上去。 | 【大齣戲】tuā-tshut-hì：重頭戲 |
| 【治枵】tī-iau：止飢 | 【四人尋】sì lāng siām：樹幹是四人合抱的外圍。 |
| 【中晝心】tiong-tàu-sim：正午時分 | 【有福居城郭】ū hok ki siām-kok：城郭是都市， |
| 【遊山景】iû san-kíng：遊賞山中光景。 | 比鄉村繁榮，因此人們喜歡住都市。 |
| 【山頭鹿角尾】suann-thâu lòk-kok-bué：kok是 | 【山角】suann-kok：山峰 |